

Broj: 3051/25
Datum: 01.10.2025.

Na osnovu Zakona o javnim preduzećima ("Službene novine Federacije BiH" broj 8/05 od dana 09.02.2005.), člana 60, 62 i 63 Zakona o javnim skijalištima Kantona Sarajevo („Službene novine Kantona Sarajevo" broj 54/12), člana 49., Statuta KJP „ZOI'84" OCS d.o.o., Uprava KJP „ZOI'84" OCS raspisuje:

JAVNI POZIV

za prikupljanje ponuda za zaključivanje ugovora o poslovnoj saradnji u oblasti podučavanja u skijanju i specijalizovanim zimskim sportskim aktivnostima u zimskoj turističkoj sezoni 2025/2026 na ski centru OC Bjelašnica - Igman

Pravo podnošenja prijave po ovom pozivu imaju sva pravna i fizička lica, pod slijedećim uslovima:

Član 1.

Uslovi i prava podnošenja prijava

1) Ako obavljaju djelatnost podučavanja skijanja i specijalizovanim zimskim sportovima kao pravna lica: (društvo sa ograničenom odgovorinošću, udruženja građana, ski škole, ski klubovi ili drugi oblik pravnih lica)

- a. da su registrovani za obavljanje djelatnosti podučavanja skijanja i specijalizovanih zimskih aktivnosti, što dokazuju rješenjem/uvjerenjem o registraciji i upisu u Jedinstveni registar obveznika indirektnih poreza - ukoliko su PDV obveznici (dostaviti ovjerenu kopiju dokumenata od nadležnog organa);
- b. odluka o angažmanu lica za neposredno podučavanje - stručni kadar određen Zakona o javnim skijalištima Kantona Sarajevo („Službene novine Kantona Sarajevo" broj 54/12), što se dokazuje:
 - Kopijom licence za podučavanje sa važećom markicom za sezonu 2025-26 ili Kopijom diplome o završenom studiju Fakulteta Sporta i Tjelesnog Odgoja, stepen Bachelor, minimalno 240 ETCS, uz koju se prilaže portfolio studija u kojem je vidljivo da je lice završilo predmet ili grupu predmeta Skijanje.
 - Da dostave kopiju skijaške karte za angažovano osoblje

2) Ako obavljaju djelatnost podučavanja skijanja i specijalizovanih zimskih sportova kao fizičko lice: (licencirani instruktori i sl.)

- Kopija licence za podučavanje sa važećom markicom za sezonu 2025-26 ili Kopijom diplome o završenom studiju Fakulteta Sporta i Tjelesnog Odgoja, stepen Bachelor, minimalno 240 ETCS, uz koju se prilaže portfolio studija u kojem je vidljivo da je lice završilo predmet ili grupu predmeta Skijanje.
- Kopija skijaške karte za instruktora

SKIJANJE | SNOWBOARD | PUTOVANJE

KJP "ZOI'84" OCS d.o.o.

Član 2. Naknade

1. Za obavljanje djelatnosti obuke licencirani instruktori koristit će uređene skijaške staze, poligone, ski liftove i dječije liftove. Obuka se ne može vršiti na lokacijama koje nisu označene kao skijaške staze ili poligoni.

Instruktori su dužni pridržavati se svih propisa ski centra za korištenje skijaških staza, poligona i liftova, te su dužni plaćati naknadu za pripremu i održavanje istih.

Naknade su u KM, sa uključenim PDVom i plaćanje se vrši do 25og u mjesecu za naredni mjesec. Nakon izvršene uplate instruktori će dobiti potvrdu i produženje licence.

Sezona 2025/26	Januar	Februar	Mart	Ukupno za sezonu
Ski škola (uključuje licencu za jednog instruktora)	500	200	100	800
za svakog sljedećeg instruktora	300	100	50	450
Individualni instruktori:	500	200	100	800

- Ski škole dužne su platiti naknadu po gore navedenim uslovima za pravno lice, kao i dodatnu naknadu po svakom sljedećem licenciranom instrukturu.
- Licence za ski škole se izdaju na pravno lice i iste nisu vezane za ime i prezime instruktora, tj iste su prenosive unutar jednog pravnog lica.
- Licence za individualne instruktore se izdaju na ime i prezime instruktora i nisu prenosive.
- Pomoćno osoblje:
 - o nije dužno imati licencu ski instruktora
 - o ne može vršiti neposrednu obuku, tj u prisustvu uvijek mora biti licencirani instruktor.
 - o Broj pomoćnog osoblja ne može prelaziti 50% ukupnog broja licenciranih instruktora.
- Instruktori su dužni nositi važeće licence/akreditacije izdate od strane KJP ZO184 istaknute na vidnom mjestu za vrijeme obavljanja obuke. KJP ZO184 zadržava prava da onemogući obavljanje obuke za osobe koje nisu zvanično registrovane i koje ne nose vidno istaknutu akreditaciju:
 - o KJP ZO184 zadržava pravo prijave nadležnoj tržišnoj inspekciji lica koja obavljaju djelatnost bez dokumentacije
 - o Zadržava pravo trajne blokade ski karte za instruktora, osobe koje koriste usluge podučavanja, kao i za cjelokupnu ski školu.

SKIJANJE | SNOWBOARD | PUTOVANJE

KJP "ZO184" OCS d.o.o.

Ski škola je dužna uplatiti KJP „ZOI'84" OCS predmetne naknade po potpisivanju ugovora, a prije izdavanja akreditacije od strane KJP „ZOI'84" OCS. Takođe, Ski škola je dužna prije početka rada imati obezbijedeno osiguranje za sve polaznike sa osiguravajućom kućom, kao i potpisano izjavu od odricanja odgovornosti KJP ZOI84, tj da preuzima odgovornost za sve potencijalne posljedice koje nastanu na skijalištu u okviru obuke.

Prijave Ski škola koje imaju dospjele a neizmirene obaveze prema KJP „ZOI'84" OCS, se neće uzimati u razmatranje. Svi navedeni dokumenti moraju biti poredani taksativno kako je navedeno u pozivu. Traženi dokumenti moraju biti u originalu ili kopije ovjerene od strane nadležnog organa u protivnom neće biti uzete u razmatranje.

Član 3. **Pravo na povrat sredstava**

Pravna lica iz Člana 1. stav 2) koje ostvare kupovinu ski karata za OC Bjelašnica-Igman, u periodu rada u sezoni 2025/2026 u iznosu od:

- više od 10.000 KM imaju pravo na povrat sredstava u iznosu od 10% na kraju sezone,
- više od 15.000 KM imaju pravo na povrat sredstava u iznosu od 15% na kraju sezone,
- više od 20.000 KM imaju pravo na povrat sredstava u iznosu od 20% na kraju sezone

Član 4. **Status ski klubova**

Ski klubovi koji u opisu svojih djelatnosti imaju planiranu obuku polaznika i rade po principu ski škola, tretirat će se kao ski škole i dužni su dostaviti prijave na Javni poziv.

Član 5. **Opšte odredbe**

Rad neprijavljenih ski škola i fizičkih lica rezultirat će postupanjem u skladu sa pravilima ski centra o zloupotrebi, te će potencijalni počinioci biti sankcionisani blokiranjem ski karata za sve članove grupe.

Svi nelicencirani instruktori svojim radom predstavljaju opasnost po živote svih korisnika skijališta i mogu odgovarati za neodgovorano ponašanje u kontekstu ugrožavanja života drugih. Na isti način licencirani instruktori koji nisu akreditovani i čiji kvalitet nije odobren od strane OC Bjelašnica – Igman preuzimaju puni pravni rizik koji može proizaći iz navedenih okolnosti. U slučaju da ski škola izvrši zloupotrebu prenosa ski karte sa jednog polaznika na drugog, karta će biti blokirana, a ski škola gubi pravo za taj mjesec za obavljanje obučavanja polaznika bez mogućnosti ostvarivanja povrata bilo koje vrste i isti je potrebno da uplati ponovo.

SKIJANJE | SNOWBOARD | PUTOVANJE

KJP "ZOI'84" OCS d.o.o.

A: Babin Do bb, Bjelašnica | T: +387 33 579 005 | M: +387 61 614 002 | E: info@ocbjelasnica.ba | W: www.ocbjelasnica.ba
ID: 4200347000004 | PDV: 200347000004 | Rješenje br. UF/I-431/04 | UNION BANK d.d: 102 050 0000095931

Član 6.
Način prijave

Ski škole i instruktori – fizička lica pismene prijave na Javni poziv sa traženim prilogima, podnose u zatvorenoj i zapečaćenoj koverti sa naznakom „Prijava na javni poziv za ski škole“. Prijave se mogu dostaviti lično ili poštom (svakim radnim danom od ponedjeljka do petka), na adresu: KJP „ZOI'84“ OCS, Alipašina bb – ulaz E (Olimpijska dvorana Zetra) na protokol. Dokumentacija podrazumjeva:

- 1) popunjen obrazac prijave potpisan i opečaćen,
- 2) statusnu dokumentaciju predviđenu Članom 1. stavom 1) i 2) javnog poziva.

Član 7.
Trajanje javnog poziva

Javni poziv je trajan na način da je otvoren za vrijeme trajanja cijele zimske sezone 2025/26. Spisak škola koje ispunjavaju navedene uslove za obavljanje aktivnosti podučavanja skijanja i specijalizovanih zimskih sportova na Ski centru Bjelašnica i Igman će biti objavljeni na web stranici OC Bjelašnica – Igman www.ocbjelasnica.com u sekciji NOVOSTI.

KJP „ZOI'84“ OCS d.o.o.
Direktor



*Kompletan Obrazac prijave se popunjava isključivo elektronski

SKIJANJE | SNOWBOARD | PUTOVANJE

KJP „ZOI'84“ OCS d.o.o.

A: Babin Do bb, Bjelašnica | T: +387 33 579 005 | M: +387 61 614 002 | E: info@ocbjelasnica.ba | W: www.ocbjelasnica.ba
ID: 4200347000004 | PDV: 200347000004 | Rješenje br. UF/I-431/04 | UNION BANK d.d: 102 050 0000095931

PRILOG I*		PRIJAVNI OBRAZAC ZA PRIJAVU SKI ŠKOLE	
<i>Datum prijave</i>			
OSNOVNI PODACI O PODNOSIOCU ZAHTJEVA			
PUNI NAZIV PODNOSIOCA ZAHTJEVA – PRAVNOG / FIZIČKOG LICA			
ŠIFRA DJELATNOSTI			
SJEDIŠTE/ADRESA PODNOSIOCA ZAHTJEVA			
ID BROJ			
PDV BROJ (ako niste PDV obveznik, obavezno upisati da niste)			
LICE OVLAŠTENOM ZA ZASTUPANJE, IME I PREZIME, FUNKCIJA (po aktuelnom izvodu iz sudskog registra ili rješenju nadležnog organa ili izvodu iz registra udruženja)			
KONTAKT (broj telefona, broj faksa i e-mail adresa)			
ZAHTJEV ZA ORGANIZACIJU SKI ŠKOLE NA OC BJELAŠNICA-IGMAN			
PUNI NAZIV SKI ŠKOLE (ukoliko se radi o projektu i škola ima drugačiji naziv od pravnog lica)			
BROJ INSTRUKTORA			
IME I PREZIME SVIH INSTRUKTORA ANGAŽOVANIH ZA RAD			
PLANIRANI POČETAK I ZAVRŠETAK OBUKE SKI ŠKOLE			
VRSTA OBUKE (polaznici – početnici / polaznici – napredni, skijanje / snowboard)			
KONTINUITET I DOSADAŠNJI REZULTATI SKI ŠKOLE (godine postojanja i rada ski škole i realizirani projekti ukoliko je ski škola provodila)			
POTPIS I PEČAT PODNOSIOCA ZAHTJEVA			

SKIJANJE | SNOWBOARD | PUTOVANJE

KJP "ZOI'84" OCS d.o.o.

A: Babin Do bb, Bjelašnica | T: +387 33 579 005 | M: +387 61 614 002 | E: info@ocbjelasnica.ba | W: www.ocbjelasnica.ba
ID: 4200347000004 | PDV: 200347000004 | Rješenje br. UF/I-431/04 | UNION BANK d.d: 102 050 0000095931